

## Prezident So'x tumani haqida iliq fikr bildirdi

Prezident Shavkat Mirziyoyev raisligida Oltiariq tumanida Farg'ona viloyati faollari, mutasaddi rahbarlar ishtirokida yig'ilish bo'lib o'tdi.

Davlat rahbari viloyatdagi olis tog'li chegara hudud - So'x tumani aholisi haqida alohida mammuniyat va ehtirom bilan fikr bildirdi.

"O'zbekistonning xushmanzara, bahavo, tog' yon bag'rida joylashgan tumanning odamlari saxovatpesha, mehnatkash va bag'ri keng", deya ta'kidladi prezident.

Videoselektorda So'x ahli nomidan "G'aznov" mahallasida yashovchi mehnat faxriysi Xursanoy Qosimova va Hayitxon Munavvarjonovalar so'zga chiqib, tuman aholisi hayotidagi yangilanish va ijobjiy o'zgarishlar haqida gapirishdi. Ular tomonidan So'xda yangi ish o'rinalar yaratish, yoshlarni mazmunli dam olishlari uchun tumanda istirohat bog'i tashkil etish masalasi ko'tarildi.

Shavkat Mirziyoyev qo'yilgan masalani tez kunlarda ijobjiy hal etilishini aytdi.

Eslatib o'tamiz: Davlat rahbari Farg'ona viloyatida ijtimoiy-iqtisodiy islohotlarning borishi, amalga oshirilayotgan bунyodkorlik va obodonlashtirish ishlari, yirik loyihalar bilan tanishish, xalq bilan muloqot qilish va viloyatni ijtimoiy-iqtisodiy rivojlantirish bo'yicha galadagi muhim vazifalarni belgilab berish maqsadida Farg'ona viloyatiga [tashrif buyurgan edi](#).

2018-11-08 14:17:07